



Иқтидор гунчалари

Назокат МИРЗАЕВА

КЎНГЛИМ

Шеърлар



«Ҳаёт» нашриёти
Андижон - 2006 йил.

84(55)6-5 УЗБ. ОАД, АДАД,
— Шеърлар



Ю 32193
Одг

Назокат Мирзаеванинг «Кўнглим» номли ушбу илк китобчасига Ватан, ота-она, севги, вафо, дўстлик мавзуларидаги шеърлари жамланган.

Баҳор билан боғлар учрашди.

Мен-ла нурли чоғлар учрашди, - дея ёзади у «Ишқинг» шеърисида.

Иқтидорли шоиранинг сиз-азиз шеърхонлар билан дастлабки учрашуви ҳам нурли кечади дея умид билдирамиз.

11-17-05
ҲГ-М/М _____ ША
07-12-05

© «Ҳаёт». А. 2006.

2006 183	Alisher Navoiy nomidagi O'zbekiston M.
-------------	--

10



ВАТАН

Кетсанг агар узоқ сафарга
Кузатган ҳам, кутган ҳам Ватан!
Дилинг ўксиб йиғласанг ногоҳ,
Кўздан ёшинг артган ҳам Ватан!

Ардоқлайман сени ҳамиша,
Ёлғизгина паноҳим - Ватан!
Алишмасман дунёга сени,
Қувончим ва дил оҳим - Ватан!

Тупроғингни кўзга суртолмай,
Интиқ бўлиб ўтганлар қанча.
Ватан сўзин қалбида асраб,
Етолмасдан кетганлар қанча!..

Агар тушса бошингга ташвиш,
Юпатганинг - қувончинг Ватан!
Қолмаса гар кўнгил яқининг,
Ҳамроҳингдир - суянчинг Ватан!



Ўзбекистон, она халқим, дилрабоиймсан, Ватан,
Қимматинг тиллодин ортиқ бебаҳойимсан, Ватан.

Соф ҳаво, бол сувларинг жонимга роҳат
бахш этур,
Тупроғинг зар, кўзларимга тутиёйимсан, Ватан.

Волидамдек парваришлаб элга манзур айладинг,
Сен отамдек менга ғамхўр раҳнамойимсан,
Ватан.

Меҳнат аҳлинг алқагайсан, айлаб иззат-эҳтиром,
Ҳақ - адолат йўлин тутган бериёйимсан, Ватан.

Бу жаҳонга неча олий зотни тухфа айлаган,
Ушбу кун ёруғ юзинг, озод диёримсан, Ватан.

Васфинга қизинг Назокат бир ғазал ёздим жўшиб,
То тирикман дилда номинг, нур - зиёйимсан, Ватан.



Дунёлар беҳудуд, дунё бепоён,
Нега қушлар каби учиб бўлмайди?
Сени соғинганман, бу сенга аён,
Бағримга бир босиб қучиб бўлмайди.

Қанчалар мен сени асраб-авайлай,
Юртим, бу билан ҳеч кўнгил тўлмайди.
Қаерда бўлмайин, соғинар юрак,
Ҳеч бир юрт сен каби улуғ бўлмайди.

Сенинг ҳажрингда зор Бобурлар ўтди,
Юртим, Чўлпонларинг тирик, ўлмайди.
Яна қаерда бор сендек азиз эл,
Бағримга бир босиб қучиб бўлмайди.

Меҳримни ололмас қалби қаролар,
Юракда ишқ гулим асло сўлмайди.
Мен сени севсам-да жонимдан ортиқ,
Бағримга бир босиб қучиб бўлмайди.



Ҳамиша қалбимда поклик ҳукмрон,
Кўп оруз қиламан хаёлда ҳамон.
Тақдирнинг синови мен учун бисёр,
Синовларга тайёр ўзбек қизиман.

Мен она халқимга дастёр бегумон,
Корига ярарман, мустаҳкам имон,
Мустақил юртимда эркин, ҳур замон,
Ҳур замон улғайтган, ўзбек қизиман.

Бугуну, эртани деб яшар инсон,
Мўминнинг қалбида барқ урар иймон,
Аждодлари буюк ўтган шу макон,
Ҳур замон улғайтган, ўзбек қизиман.

Тарихинг таърифлай, гўзал бўстони,
Мадҳингни куйлайин, Ўзбекистоним,
Пок тупроғинг учун садқадир жоним,
Бағрингда улғайган эрка қизингман.



ИНСОН УМРИ

Инсон умри оқар дарё мисоли,
Лек кечмасин дейман рӯё мисоли,
Гоҳо мени қийнар маҳзун хаёлим:
Мен кетсам, дунёда мenden не қолар?

Дўстларим ҳам балки тезда унутгай,
Ёш тўла кўзларин ёшин қуритгай,
Ўзин ташвишида дардин аритгай,
Мен кетсам, дунёда мenden не қолар?

Бетин ҳаракатда бу кўҳна олам,
Қалбин ёқар гоҳ сув, гоҳ ўт - ғам-алам,
Дардимга шериксан, сирдошим-қалам,
Мен кетсам, дунёда мenden не қолар?

Маҳзун хаёлларга нур берай дейман,
Кўрсиз кўнгилларга кўр берай дейман,
Зарра умрим ичра гул берай дейман,
Шундай умидларда тулпорим елар!

Атиргул эмасман сен айтганиндай,
Куздаги хазондай пойингда ётган.
Сен олиб юргувчи гул ҳам эмасман,
Туморман - бағринга тош бўлиб ботган.

Мени кечир, жоним, бўлса гуноҳим,
Сен излаган пари эмасман зинҳор.
Сени қийнаётган дардман, армонман,
Фақат юрагимни қилолмам изҳор...



ИЛТИЖО

Тангримдан тилаган танҳо тилагим,
Мушфиқ онажоним соғ бўлсин доим.
Такдирнинг ҳар қандай синовларига,
Дош берди...
Сен уни асра, Худойим!

Эй яратган Эгам, эшитгин нолам,
Кўзларимда жолам, қўлимда қалам,
Дунёимни этмай кемтик, бири кам,
Онамни асрагин, асра, Худойим!

Жилмайиши жон бағишлар, фариштам у,
Хонадоним нур чироғи, сариштам у,
Ёлвораман, ёнига ҳеч келма, қайғу,
Онамни асрагин, асра Худойим!



Ойдинхон ая хотирасига

Баҳоримда ўқиб турган боғлар билар,
Борлиғимни қамраб олган доғлар билар,
Ўқик дилни билиб-билмай кимлар тилар,
Онажоним, энди сизни қайдан излай...

Кулиб турган кўзингизни соғинаман,
Ширин-ширин сўзингизни соғинаман,
Соғинаман, ўзингизни соғинаман,
Онажоним, энди сизни қайдан излай...

Сизсиз келди ховлимизга ҳур келинчак,
Орзуингиз наҳот бўлди энди эртак.
Сизнинг бу кун қабрингизда унар чечак,
Онажоним, энди сизни қайдан излай...

Дуодаман, руҳингизга тилаб роҳат,
Рози бўлинг, онажоним биздан албат.
Қалбимизда яшагайсиз сиз тоабат,
Онажоним, энди сизни қайдан излай...



КОЛЛЕЖ

Устоз А. Тўрахўжаевга ҳурмат билан

Қалбимни қийнайди ажиб бир қийноқ,
Бахтми у ё тақдир билмайман, э воҳ,
Барчага беминнат бергувчи сабоқ,
Доим дилимдасан, меҳрибон коллеж.

«Хайр» десанг кўзимга тўлди кўз ёшим,
Сенинг ҳурматингга эгилди бошим.
Ҳатто илк муҳаббат ўйғотган ёшим,
Доим дилимдасан, меҳрибон коллеж.

Ҳар ким умид билан сўрар тилагин,
Шеър ёзиб толмайди бу кун билагим,
Халқимга бор бўлсин менинг керагим,
Доим дилимдасан, меҳрибон коллеж.



АФСУС

Шон-шуҳрат ортидан қувибман,
Насиҳат қилсалар, қулибман.
Ошимни ҳар кимга илиниб,
Унутиб қўйибман дадамни.

Эл аро қўйдим мен қадамни,
Ҳеч эсга олмабман дадамни.
Ҳар лаҳза соғиниб онамни,
Унутиб қўйибман дадамни.

Қўлимдан кетганда омадим,
Ёлғиз бир мададкор одамим,
Ўйладим ҳар босган қадамим,
Унутиб қўйибман дадамни.

Умримиз ўтмоқда жуда тез,
Отам бетоб эди ўша кез,
Менга айтолмади битта сўз,
Йўқотиб қўйдим мен дадамни...



Ёзган баётимда васфинг куйладим,
Кўкда ой мисоли йўлинг пойладим.
Вафо боғларидан изинг изладим,
Қирқ йигит ичидан сени танладим.

Хаёлот юртида ахтардим сени,
Мен зору сен эса танладинг уни...
Азобларда дилим қийнади мени,
Охир мен ҳам севиб қолдим ўзгани...

Йўк, йўк!
Севолмайман, суйганим Аплоҳ!
Раббим ҳар ишимда мададкор, ҳамроҳ,
Қилган гуноҳимдан у ўзи огоҳ,
Дилдаги ишқимга фақат у гувоҳ.



Баҳорнинг ёмғири ўчирди изни,
Осмонда ой чиқса эсладим сизни.
Муҳаббат, айрилиқ қийнади бизни,
Мен ҳамон севаман, севаман сизни.

Биринчи учрашув...
Ишқдан нишона,
Не қилай, шўр экан манглай - пешона.
Лайли, Зухролардек ишқда девона,
Мен ҳамон севаман, севаман сизни.

Ўйлаб кўринг, ахир алдаган сизми,
Алдаш даркормиди мен содда қизни?
Ахир бошим узра қўярман сизни,
Мен ҳамон севаман, севаман сизни.

Келиб бу дунёга бир кун кетамиз,
Тақдирнинг қурбони бўлиб нетамиз?
Дунёда биз фақат ишқ деб ўтамиз,
Мен ҳамон севаман, севаман сизни.



Шеърларимда таскин топар дилим менинг,
Қайда юрмай, чорлаб турар элим менинг,
Дўстларимни йўқлар ҳар дам тилим менинг,
Армонлару орзуларим шеъримдадир.

Юрагимни ўртар гоҳо алам, доғлар,
Дардларимга ҳамдард бўлар гўзал боғлар,
Менга илҳом бахш этгувчи баланд тоғлар,
Армонлару орзуларим шеъримдадир.

Нетай, бу кун тақдирим ўз қўлимдадир,
Аллоҳ менинг дилимдадир, дилимдадир,
Калби тоза устозларим бошим силар,
Армонлару орзуларим шеъримдадир.

Менга мадад бергувчилар, бўлинг омон,
Ростин айтгум, беғубордир дилим ҳамон,
Сўзим билан дилингизни оғритмасман,
Дилда неки дардим бўлса, шеъримдадир.



Севгилим, айрилдик гўзал дунёда,
Муҳаббат қасрининг остонасида.
Дегандинг: севгимиз мисли рўёдир,
Бахт топмадик ишқнинг кошонасидан.

Ёлғизим, қарама кўрганда мени,
Тақдир бизни бундай азоблар нечун.
Мен фақат...
Мен фақат севгандим сени,
Ҳижронинг азоби қийнайди бу кун.

Юрагим инграйди, дилда сукунат,
Агар бир боқмасанг, мен учун алам.
Билки, гўзал куним бўлар рутубат,
Шеър ёзсам, кўлимда қалтирар қалам.

Кетардинг боқмасдан мендан олислаб,
Келди кўзлар тўқнаш, чеҳралар тўқнаш.
Меҳр-ла боқардинг менга оҳиста,
Бардош беролмайман, кўзларимда ёш...



ИШҚИНГ

Баҳор билан боғлар учрашди,
Мен-ла, нурли чоғлар учрашди,
Ишқда дили доғлар учрашди,
Қалб кўкида чақди чақмоқлар.

Балиқларга сувсиз йўқ ҳаёт,
Ишқинг менга қайрилмас қанот,
Хаёлинг-ла яшаб умрбод,
Сенинг ишқинг қалбим ардоқлар.

Кўнглимнинг кўчаси тор бўлди, нетай,
Пок севгим йўлларда хор бўлди, нетай,
Ёр васли заҳматли кор бўлди, нетай,
Қани ардоқлаган покиза севгим?..

Сеҳрли чироқлар кўкда – осмонда,
Бир ёниб сўнади кўнглим чақмоқдай,
Умрим сенсиз дарё мисол оқмоқда,
Қаерларда қолди покиза севгим?..

Эй, фалак!
Ноламга солгин-эй қулоқ,
Уни севганлигим наҳотки гуноҳ?
Чин дилдан севаман, айтолмам, э воҳ!
Наҳот армон энди покиза севгим?..




СОҒИНЧ

Нетайин сен томон талпинар юрак,
Қалбимда бор эди покиза тилак.
Беғубор қалбимга ўхшайди фалак,
Бугун сени жуда соғиниб кетдим.

Дилимга жо этдим тоғдек бардошни,
Кипригим тўсади кўздаги ёшни,
Юрагим танлаган сен бағритошни,
Бугун сени жуда соғиниб кетдим.

Ўтган умрим учун бир оз оғриндим,
Ёзган мактубларинг йиғлаб ёндирдим.
Қалбимни севгингдан буткул тондирдим,
Бугун сени жуда соғиниб кетдим.

Яхши-ям бор экан қўлимда қалам,
Қоғоздаги ёзув – дилдаги алам.
Етиб боргаймикан сенга оҳ, нолам,
Бугун сени жуда соғиниб кетдим...





Азизим, севгингдан тондинг сен бугун,
Ишқни атамоғлик шунчаки ўйин,
Сени билмадим-у, мен учун қийин.
Севаман, деб айтган сўзинг соғиндим...

Мени севармидинг, аммо сезмадим,
Ҳажринг қийноғидан асло безмадим.
Бир бора ишқ боғи ичра кезмадим,
Менга маъюс боққан кўзинг соғиндим...

Онам бошим силаб дедилар: - Болам,
Муҳаббат аслида синовли олам.
Тебранар соғинчдан сирдошим қалам,
Гоҳ олов, гоҳ маъсум юзинг соғиндим.

Бошимдаги савдо наҳотки тақдир,
Мени синарми у ёки бир умр.
Сенга юраккинам очолмам ахир,
Севги боғи ичра изинг соғиндим!..



Севгилим, орамиз экан хўп олис,
Ўртада дарё бор, денгиз бор тошқин.
Ошиқ юракларга висол бегона,
Фақат хаёллардан оламан таскин.

Ҳа, бу умр йўли катта бир кўприк,
Йўлимни тополмай турибман ёлғиз,
Сен билан мен эдик кўз билан киприк,
Бизни айирдилар севгидан, эсиз...

Мен сенсиз ўтаман азим кўприқдан,
Хаёлларим менга далда берса бас.
Қалбимда очилган бокира гунча,
Гўзал севги эди, эҳтирос эмас.

Ҳижрон - муҳаббатнинг ширин ноласи,
Раббим шундай бахтни этибди насиб.
Сендан илтимосим, ўтинчим битта:
Соғинчли висолдан этма бенасиб!..



СЕВГИМИЗ

Севгилим, бизни тенг кўрмади тақдир,
Унга қарши чиқди бебош юраклар.
Майлига, чидайман севгидан тондир,
Лекин қалбим тўла гўзал тилаклар.

Севгимиз тўкилди мисли бир япроқ,
Дилга оғир ботди шундай бўлгани.
Наҳот сезмадингиз юраккинамга
Ҳижроннинг мислсиз ғами тўлганин.

На қилай, тақдирга чиқолмам қарши,
Йўлларимиз айро, айрилдик, майли...
Балки кўнгил бўлар бахтга лиммо-лим,
Гўзал хотиралар ва ишқ туфайли...

Энди сен ўзганинг вафоли ёри,
Мен эса ҳамаша йўлларингга зор...
Сен бўлгин ёрингнинг чин вафодори,
Мен эса бахтимни кутгум интизор...



(Хазил)

Қорақалпоқ йигитлари хаёлим олди,
Бир мард йигит юрагимга оловлар солди.
Андижондаман, дил олисда қолди,
Ўша элнинг мардлари ишқимда ёнди...

Қорақалпоқ йигитининг виждон, ори бор,
Айтди: “Сизнинг дилингизга етмасин озор!”
Гарчи унга бўлолмайман ёнидаги ёр,
Ундан фақат хотиралар дилимда қолди...

Андижоннинг йигитлари хафа бўлмасин,
Қалбларига алам билан қасдлар тўлмасин.
Мен ошуфта синглисига бахтлар тиласин,
Қорақалпоқ йигит менинг хаёлим олди...



АРМОНЛАРИМ

Бахтсиз куним болиш бўлди бардошим,
Тўлин ойдир менинг кўнгил сирдошим,
Дардларимни сўзсиз тинглар тунлари,
Оймоможон, қайда менинг йўлдошим?

Армонларим армон бўлди сен учун,
Меҳрларим сарсон бўлди сен учун,
Ёлғизликда ҳамроҳ эдинг мен учун,
Оймоможон, қайда менинг йўлдошим?

Туйғуларим тушунган ҳам сен ўзинг,
Тунда кўнглим ёритади юлдузинг,
Ажаб, ёрим алдар мени кундузи,
Оймоможон, қайда менинг йўлдошим?

Осмон битта, ой ҳам битта – ягона,
Мен биттаман, ёр йўлида парвона,
Айт, ишқимни қилгайми у парволар,
Оймоможон, қайда менинг йўлдошим?



МУНДАРИЖА

Ватан.....	3
«Ўзбекистон...».....	4
«Дунёлар...».....	5
«Ҳамиша...».....	6
Инсон умри. «Атиргул...».....	7
Илтижо.....	8
«Баҳоримда...».....	9
Коллеж.....	10
Афсус.....	11
«Ёзган...».....	12
«Баҳорнинг...».....	13
«Шеърларимда...».....	14
«Севгилим...».....	15
Ишқинг.....	16
Соғинч.....	17
«Азизим...».....	18
«Мен сенсиз...».....	19
Севгимиз.....	20
«Қорақалпоқ йигитлари...».....	21
Армонларим.....	22



Адабий-бадий нашр
Назокат МИРЗАЕВА

«КЎНГЛИМ»

(Шеърлар)

Муҳаррир: Пўлат АБДУЛЛА
Тех муҳаррир: М.МИРЗАКАРИМОВА
Мусаҳҳиҳ: Мадина УСМОН
Компьютерчи: Ҳ. ПАРПИЕВ.

Босмаҳонага 2006 йил 5 мартда берилди
Босишга 2006 йил 6 апрелда руҳсат этилди
Бичими 84/108 1/32. Ҳажми 1,5 б/т
Буюртма № 602 . Адади 550 нусха
Баҳоси келишилган нарҳда

«Андижон нашриёт-матбаа» ОАЖ
босмаҳонасида босилди.